



ბუღალტრული აღრიცხვის, ანგარიშგებისა და აუდიტის ზედამხედველობის სამსახურის მიერ მინიჭებული აუდიტორული ფირმის ინდივიდუალური სარეგისტრაციო ნომერი - SARAS-F-846527, <https://www.saras.gov.ge/>

ქ.თბილისი

29.04.2024 წ

დამოუკიდებელი აუდიტორის დასკვნა
ა(ა)იპ თავისუფალი მედია სივრცის 2023 წლის ფინანსური ანგარიშგების შესახებ

დამკვეთი: ა(ა)იპ „თავისუფალი მედია სივრცე“
დასკვნის თარიღი: 2024 წლის 29 აპრილი

საფუძველი: 2024 წლის 19 აპრილის ხელშეკრულება

შინაარსი

დამოუკიდებელი აუდიტორის დასკვნა.....	3
მოსაზრება.....	3
მოსაზრების საფუძველი.....	3
ხელმძღვანელობის პასუხისმგებლობა ფინანსურ ანგარიშგებასთან დაკავშირებით.....	4
აუდიტორის პასუხისმგებლობა ფინანსურ ანგარიშგების აუდიტზე.....	4
ფინანსური ანგარიშგება-----	6
სააღრიცხვო პოლიტიკა და ფინანსური ანგარიშგების (მოკლე) ახსნა-განმარტებები	10

დამოუკიდებელი აუდიტორის დასკვნა

ა(ა)იპ თავისუფალი მედია სივრცის ხელმძღვანელობას

დასკვნა იმ აუდიტორული მომსახურების შესახებ, რომელიც ითვალისწინებდა 2023 წლის ფინანსური ანგარიშგების აუდიტს

მოსაზრება

ჩვენ ჩავატარეთ აუდიტორული მომსახურება, რომელიც მოიცავდა ფინანსური ანგარიშგების შემოწმების აუდიტს, რაც შედეგადად: 2023 წლის 31 დეკემბრის მდგომარეობით დასრულებული ფინანსური ანგარიშგებისაგან. რომელიც მოიცავს აღნიშნული თარიღისათვის მომზადებული ფინანსური მდგომარეობის, საქმიანობის შედეგების, ფონდებისა და ფულადი ნაკადების მოძრაობის შესახებ ინფორმაციას, ფინანსურ ანგარიშგებაზე დართულ შენიშვნებს, მათ შორის, ყველა მნიშვნელოვანი სააღრიცხვო პოლიტიკის მოკლე მიმოხილვას.

ჩვენი აზრით, ზემოთ აღნიშნული თარიღით დამთავრებული ფინანსური ანგარიშგების მდგომარეობა, საქმიანობის შედეგის შესახებ ანგარიშგება, ფონდებისა და ფულადი ნაკადების მოძრაობის ანგარიშგება, ყველა არსებითი ასპექტის გათვალისწინებით, უტყუარად და სამართლიანად ასახავს ა(ა)იპ თავისუფალი მედია სივრცის საქმიანობის შედეგებს ფინანსური ანგარიშგების საერთაშორისო სტანდარტების შესაბამისად.

მოსაზრების საფუძველი

აუდიტს წარვმართავდით „ბუღალტრული აღრიცხვის, ანგარიშგების და აუდიტის შესახებ საქართველოს კანონის მე-3 მუხლის „მე-6 პუნქტის“ შესაბამისად ბუღალტრული აღრიცხვის, ანგარიშგებისა და აუდიტის ზედამხედველობის სამსახურის მიერ 2018 წლის 26 ივნისის ნ-9 ბრძანების საფუძველზე არასამთავრობო იურიდიული პირისთვის შემუშავებული სტანდარტის საფუძველზე, ასევე მცირე და საშუალო საწარმოთა საერთაშორისო სტანდარტების მიხედვით. აღნიშნული სტანდარტებით განსაზღვრული ჩვენი პასუხისმგებლობები დეტალურად აღწერილია ჩვენი დასკვნის - “აუდიტორის პასუხისმგებლობა ფინანსური ანგარიშგების აუდიტზე” - ნაწილში. ჩვენ დამოუკიდებლობის ვართ „დამკვეთისაგან“ ბუღალტერთა ეთიკის საერთაშორისო სტანდარტების საბჭოს პროფესიონალი ბუღალტრების ეთიკის კოდექსისა და იმ ეთიკური ნორმების შესაბამისად, რომლებიც ეხება ჩვენ მიერ ჩატარებულ ფინანსური ანგარიშგების აუდიტს; გარდა ამისა, ასევე შევასრულეთ ბუღალტერთა ეთიკის საერთაშორისო სტანდარტების ეთიკის კოდექსით გათვალისწინებული სხვა ეთიკური ვალდებულებებიც. გვჯერა, რომ ჩვენ მიერ მოპოვებული აუდიტორული მტკიცებულებები საკმარისი და შესაფერისია ჩვენი მოსაზრების გამოთქმისთვის აუცილებელი საფუძვლის შესაქმნელად.

აუდიტის ძირითადი საკითხები

აუდიტის ძირითად საკითხად მიიჩნევა ისეთი საკითხი, რომელიც, ჩვენი პროფესიული შეფასებით, ყველაზე მნიშვნელოვანი იყო ჩვენს მიერ ჩატარებულ მიმდინარე პერიოდის აუდიტში. ეს საკითხები განვიხილეთ მხოლოდ ჩვენ მიერ ჩატარებული ფინანსური ანგარიშგების აუდიტისა და თანდართული ფინანსური ანგარიშგების შესახებ ჩვენი მოსაზრების ჩამოყალიბების კონტექსტში და ამ საკითხებზე ცალკე მოსაზრებას არ გამოვთქვამთ.

ხელმძღვანელობისა პასუხისმგებლობა ფინანსურ ანგარიშგებაზე

ხელმძღვანელობა პასუხისმგებელია თანდართული ფინანსური ანგარიშგების მომზადებასა და სამართლიან წარდგენაზე ფინანსური ანგარიშგების საერთაშორისო სტანდარტების შესაბამისად, ასევე შიდა კონტროლზე, რომელსაც იგი აუცილებლად მიიჩნევს ისეთი ფინანსური ანგარიშგების მოსამზადებლად, რომელიც არ შეიცავს თაღლითობით ან შეცდომით გამოწვეულ არსებით უზუსტობას.

ფინანსური ანგარიშგების მომზადებისას ხელმძღვანელობას ევალება, შეაფასოს ა(ა)იპ თავისუფალი მედია სივრცის ფუნქციონირებადობის უნარი და, აუცილებლობის შემთხვევაში, ფინანსური ანგარიშგების შენიშვნებში განმარტოს საკითხები, რომლებიც დაკავშირებულია საზოგადოების ფუნქციონირებადობასთან და ანგარიშგების საფუძვლად საზოგადოების ფუნქციონირებადობის პრინციპის გამოყენებასთან, იმ შემთხვევის გარდა, როდესაც ხელმძღვანელობას განზრახული აქვს საზოგადოების ლიკვიდაცია ან საქმიანობის შეწყვეტა, ან როდესაც ამის აუცილებლობა დგება.

ხელმძღვანელობა პასუხისმგებელია ა(ა)იპ თავისუფალი მედია სივრცის ფინანსური ანგარიშგების მომზადებისა და წარდგენის პროცესის ზედამხედველობაზე.

აუდიტორის პასუხისმგებლობა ფინანსური ანგარიშგების აუდიტზე

აუდიტი დაიგეგმა და განხორციელდა ა(ა)იპ თავისუფალი მედია სივრცის და შპს „აუდიტი XXI“ შორის, 2024 წლის 19 აპრილს გაფორმებული ხელშეკრულების საფუძველზე. ხელშეკრულება ითვალისწინებდა 2023 წლის ფინანსური ანგარიშგების შემოწმების მიზნით აუდიტორული მომსახურების გაწევას, აუდიტის ჩატარებისას ვხელმძღვანელობდით აუდიტის საერთაშორისო სტანდარტებით გათვალისწინებული პროცედურებით და საქართველოში მოქმედი კანონმდებლობის მოთხოვნების თანახმად. ჩვენ ვადასტურებთ, რომ ვართ დამოუკიდებელი ორგანიზაციისგან, არ გავაჩნია არანაირი დაინტერესება აუდიტის შედეგის მიმართ. ვმოქმედებდით შესაბამისი ეთიკური ნორმების დაცვით, მიგვაჩნია, რომ აუდიტის პროცესში მოპოვებული მტკიცებულებები საკმარისი და შესაფერისია აუდიტორის მოსაზრების გამოთქმისთვის აუცილებელი საფუძვლის შესაქმნელად.

ჩვენი მიზანია, მოვიპოვოთ დასაბუთებული რწმუნება იმის თაობაზე, მოცემული ფინანსური ანგარიშგება შეიცავს თუ არა თაღლითობით ან შეცდომით გამოწვეულ არსებით უზუსტობას და შევადგინოთ აუდიტორული დასკვნა, რომელიც მოიცავს ჩვენს მოსაზრებას. დასაბუთებული რწმუნება მაღალი დონის რწმუნებაა, მაგრამ არ არის იმის გარანტია, რომ ასს-ების შესაბამისად ჩატარებული აუდიტი ყოველთვის გამოავლენს ნებისმიერ არსებით უზუსტობას, რომელიც არსებობს. უზუსტობები შეიძლება გამოწვეული იყოს თაღლითობით ან შეცდომით და არსებითად მიიჩნევა იმ შემთხვევაში, თუ გონივრულ ფარგლებში, მოსალოდნელია, რომ ისინი, ცალ-ცალკე ან ერთობლივად, გავლენას მოახდენს იმ მომხმარებლების ეკონომიკურ გადაწყვეტილებებზე, რომლებიც დაეყრდნობიან მოცემულ ფინანსურ ანგარიშგებას.

ასს-ების შესაბამისად აუდიტის ჩატარება ითვალისწინებს აუდიტორის მიერ პროფესიული განსჯის გამოყენებას და პროფესიული სკეპტიციზმის შენარჩუნებას აუდიტის პროცესში, გარდა ამისა ჩვენ:

- შევადგინეთ და შევაფასეთ თაღლითობით ან შეცდომით გამოწვეული, ფინანსური ანგარიშგების არსებით უზუსტობების რისკი, დავეგეგმეთ და ჩავატარეთ ამ რისკებზე რეაგირებისათვის გამიზნული აუდიტორული პროცედურები, შევკრიბეთ ისეთი აუდიტორული მტკიცებულებები, რომლებიც საკმარისი და შესაფერისია ჩვენი მოსაზრებების გამოთქმისთვის აუცილებელი საფუძვლის შესაქმნელად, რისკი იმისა, რომ ვერ გამოვლინდება თაღლითობით გამოწვეული არსებითი უზუსტობა უფრო მაღალია ვიდრე რისკი იმისა, რომ ვერ გამოვლინდება შეცდომით გამოწვეული

უზუსტობა. რადგან თაღლითობა შეიძლება გულისხმობდეს ფარულ შეთანხმებას, გაყალბებას, ოპერაციების განზრახ გამოტოვებას, აუდიტორისათვის წინასწარ განპრახულად არასწორი ინფორმაციის მიწოდებას, ან შიდა კონტროლის იგნორირებას.

- ჩვენ შევისწავლეთ აუდიტისათვის შესაფერისი შიდა კონტროლის საშუალებები, რათა დაგვეგვემა კონკრეტული გარემოებების შესაფერისი აუდიტორული პროცედურები და არა მისთვის, რომ მოსაზრება გამოგვეთქავა შიდა აუდიტის კონტროლის ეფექტიანობაზე
- შევაფასეთ ხელმძღვანელების მიერ გამოყენებული სააღრიცხვო პოლიტიკის მიზანშეწონილობა, ხელმძღვანელობის მიერ განსაზღვრული სააღრიცხვო შეფასებების დასაბუთებულობა და შესაბამისი ახსნა-განმარტებების მართებულობა.
- დასკვნა გამოგვაქვს ხელმძღვანელობის მიერ ანგარიშგების საფუძველად საწარმოს ფუნქციონირებადობის პრინციპის გამოყენების მიზანშეწონილობაზე, ხოლო მოპოვებული აუდიტორული მტკიცებულებების დაყრდნობით დავადგინეთ, არსებობდა თუ არა რაიმე მოვლენებთან დაკავშირებული არსებითი განუსაზღვრელობა, რაც ეჭვს გამოიწვევდა ა(ა)იპ თავისუფალი მედია სივრცის ფუნქციონირებადობას პროგნოზირებად დროში, შესაბამისად ჩვენი მოსაზრებაც იქნებოდა მოდიფიცირებული, ჩვენი დასკვნები ეყრდნობა აუდიტორის დასკვნის თარიღამდე მოპოვებულ აუდიტორულ მტკიცებულებებს, თუმცა ამის შემდგომ მომავალი მოვლენების ან პირობების გავლენით ა(ა)იპ თავისუფალი მედია სივრცის უკვე აღარ იყის ფუნქციონირებადი პირი.
- ვაფასებთ ფინანსური ანგარიშგების წარდგენას მთლიანობაში, მის სტრუქტურასა და შინაარსს, მათ შორის ახსნა-განმარტებებს, ფინანსური ანგარიშგება უზრუნველყოფს ფინანსური ანგარიშგების საფუძველად აღებული ოპერაციებისა და მოვლენების სამართლიან წარდგენას.
- მართვის უფლებამოსილებით აღჭურვილ პირებს, სხვასთან ერთად ვაწვდით ინფორმაციას დაგეგმილი აუდიტის მასშტაბისა და ვადების შესახებ, ასევე აუდიტის პროცესში წამოჭრილი მნიშვნელოვანი საკითხების, მათ შორის შიდა კონტროლის სისტემაში გამოვლენილი მნიშვნელოვანი ნაკლოვანების შესახებ



შპს „აუდიტი XXI“ გარიგების პარტნიორი
ეთერი გოგია
აუდიტორი სარ. №SARAS-A-674437